

21. juli 2017

Inatsisartut suleriaasianni § 37 naapertorlugu matumuuna imaattunik apeqquteqaatinik Naalakkersuisunut saqqummiussivunga:

Apeqputit:

1. Nunatta avataaniillutik aalisarnikkut nunatta iluani siuarsaaqataanissamik qinnuteqartartut pinngitsooratik nunatsinni ukiut marluk nunaqaqqaartariaqarnerat eqqortuua?
2. Ilumoorpa nunat sanilerisatsinnut Islandimut imaluunniit Savalimmiunut nuuttoqaraangat ulloq taanna nuuffimmuit aalisarnikkut pisassanik imaluunniit aalisarnikkut inerisaanissamik qinnuteqarsinnaasarsimasut?

(Inatsiasrtuni ilaasortaq Laura Táunâjik, Siumut)

Tunngavilersuutit:

Kalaallit nunatsinni aningaasaqarnikkut kaaviaartitsinerpaaq aalisarneq ukiuni makkunani malun-nartumik assut siuariartoqqippoq. Tamanna innutaasut iluaqtissaattut periarfissaavoq pitsaasoq. Taamaattumik nunatta avataaniittut allaat kalaallit aalisarnikkut nunatsinni siuarsaaqataasusuk-kaluarlutik qinnuteqaraluaraangamik itigartinneqartarsimanerat eqqarsaasersornartoqarpoq. Maannakkummi tunumi aalisarnikkut siuarsaanissaq pillugu Naalakkersuisooqatigiit atsioqatigiinnerminni ilanngunnikuuat, taamaattumik inuit sulerusullutik aallartitsierusuttut sooq aporfiersuinnassane-riut eqqarsariaammernarpoq. Tamakku pillugit Naalakkersuinikkut qanoq aaqqissusuusseqqin-nissaq pillugu nunatta avataaniillutik qinnuteqartarsimasut itigartitaasarnerat eqqarsarnarpoq.

Nunatsinni nunaqavissuusut imaluunniit kalaallit nunatsinni najugaqarunnaarsimagaluarlutik nunatsinnut uteqqikkusuttut pisariaqartippagut. Tamakkuusut ilaatigut nunatsinni aalisarnikkut siuarsaa-jumallutik sulerusuttut. Eqqarsaammernartarpormi nunatta avataaniit aalisarnikkut misileraani-lutik aalisartut tikilluaqquneqartutut inissinneqartarmata, akerlianik nunaqavissunut periarfissat aporfissarpassuarnik matulorsorlugit. Taamaammat maanna paasiumasat annertuut ilaat tamak-kuupput.

Kissaatigaara apeqputima ullut suliffiusut iluanni akineqarnissaat.